

«Էդիթ Պրինտ» հրատարակչություն

Ավարտական հետազոտական աշխատանք

Թեմա՝ Էքսկուրսիաների և մշակույթային այցերի դերը սաների
զարգացման գործում

Հաստատություն՝ Թիվ 155 մ/մանկապարտեզ

Դաստիարակ՝ Լուսինե Քարտաշյան

Ղեկավար՝ Ավետիսյան Ժաննա

ԵՐԵՎԱՆ 2023

Բովանդակություն

Ներածություն	3
1. Էքսկուրսիան որպես ուսուցման կազմակերպման ձև , նրա նշանակությունը	4
2. Էքսկուրսիաների անցկացման մեթոդիկան մանկապարտեզում	5
3. Էքսկուրսիայի նախապատրաստումը և անցկացումը	7
4. Իմ փորձից	10
5. Եզրակացություն	16
Օգտագործած գրականության ցանկ	17

ՆԵՐԱԾՈՒԹՅՈՒՆ

Էքսկուրսիա բառը լատիներեն նշանակում է կողիկտիվ ուղևորություն: Էքսկուրսիան այցելություն է դեպի տեսարժան վայրեր, թանգարաններ, գրադարաններ՝ բնապահպանական, ուսումնական, կրթամշակութային նպատակներով: Էքսկուրսիան արտամանկապարտեզային դաստիարակության ճյուղերից մեկն է , որի նպատակը երեխաների ազատ ժամանցի կազմակերպման միջոցով՝ նրանց հետաքրքրությունների զարգացման համար պայմաններ ստեղծելն է: Այն նպատակաուղղված է նրանց հոգևոր , գեղագիտական , ֆիզիկական զարգացմանը: Այն դաստիարակին թույլ է տալիս կոնկրետ փաստերի վրա երեխաներին ցույց տալ ուսումնասիրվող առարկաների ու երևույթների միջև եղած կապերը: Այն ինչը երեխան տեսնում է ,տպավորվում է նրա գիտակցության մեջ: Էքսկուրսիան կարող է վարել և՛ մանկավարժը , և՛ էքսկուրսավարը , որոնց մեկնաբանության շնորհիվ երեխան սովորում է ճիշտ ընկալել իր տեսածը , ցուցադրածը , զգացածն ու շոշափածը: Էքսկուրսիաները շատ կարևոր են այն առումով , որ երեխան կարևորում է իր տեսածը , դառնում է նրա կրողը և փոխանցողը: Այս ամենը նպաստում է երեխաների աշխարհաճանաչողության ու դիտողականության զարգացմանը , նրանց մեջ խոր հետաքրքրություն են առաջացնում դեպի շրջապատը , սեր ու հոգատարություն արթնացնում դեպի բնությունը , հոգատար ու հարգալից վերաբերմունք են դաստիարակում մեր հայրենիքի, ազգային արժեքների և ավանդույթների նկատմամբ:

1. Էքսկուրսիան որպես ուսուցման կազմակերպման ձև , նրա նշանակությունը

Էքսկուրսիաները ընդլայնում են երեխաների մտահորիզոնը , նրանց միտքը հարստացնում են նոր տպավորություններով , անմիջականորեն դիտել են տալիս այնպիսի առարկաներ ու երևույթներ , որոնք մանկապարտեզում ցուցադրելը հնարավոր չէ , հետաքրքրություն են առաջացնում դեպի իրենց շրջապատի բույսերը , կենդանիները , մարդկային հասարակությունը և մարդու աշխատանքը բնության և հասարակության մեջ: Էքսկուրսիաները բացառիկ կարևոր նշանակություն ունեն նաև երեխաների խոսքի զարգացման համար: Մեծ մանկավարժ ՌԻՇինսկին գտնում էր , որ խոսքը չի կարող զարգանալ առանց մտքի , իսկ միտքը զարգանում է , եթե մտքի , առարկայի մասին երեխան պարզ ու կոնկրետ պատկերացում ունի: ՈՒ մի ձևով հնարավոր չէ նոր բառերի յուրացումն այնքան կայուն դարձնել , որքան Էքսկուրսիայի միջոցով , որովհետև այստեղ բառը կապվում է տվյալ հասկացության , իրի կամ երևույթի դիտման ու զննման հետ , դառնում է կոնկրետ ու որոշակի:

Էքսկուրսիաները կատարում են նույն գործառույթը , ինչ-որ պարապմունքները: Նրանք լինում են`

Ուսուցանող

- գիտելիքների խորացում , առանձին առարկաների և երևույթների մասին պատկերացումների կազմում
- գործնականում տեսական գիտելիքների կիրառում

Չարգացնող

- դիտումներ կատարելու կարողությունների զարգացում
- ուշադրության , հիշողության զարգացում

Դաստիարակչական

- գեղագիտական դաստիարակություն
- հայրենասիրության , բնության հանդեպ սիրո դաստիարակում

Էքսկուրսիաները և մշակութային այցերը ունեն ճանաչողական մեծ նշանակություն: Երեխաները խորությամբ ճանաչում են իրենց հայրենիքը , ծննդավայրը , ավանդույթները , կենցաղը , հերոսներին , գրողներին և երաժիշտներին , նպաստում են

քրիստոնեական արժեհամակարգի ամրապնդմանը: Դրանք ընդլայնում են աշխարհաճանաչողությունը , զարգացնում հետաքրքրասիրություն և նախաձեռնողականություն , դաստիարակում սեր դեպի մարդը , ընկերը , նպաստում միջանձնային շփումներին: Երեխան դառնում է ավելի համարձակ , բանիմաց , ինքնավստահ:

2. Էքսկուրսիաների անցկացման մեթոդիկական մանկապարտեզում

Կարևորագույն մեթոդը , որն ընկած է էքսկուրսիայի հիմքում` ճանաչողական , գննական մեթոդն է: Էքսկուրսիան կիրառվում է որպես ուսուցման մի մեթոդ , որից առաջ կամ հետո կարող են կիրառվել այլ մեթոդներ: Էքսկուրսիայի` որպես մեթոդի հիմնական ֆունկցիա, ուսումնասիրվող նյութը կամ օբյեկտը բնական վիճակում ընկալելն է: Ինչպես ասել է Վիգոտսկին . << Մեթոդի ընտրությունը դարձել է մարդու հոգեբանական գործունեության բացատրության ամենակարևոր խնդիրներից մեկը: Այս պարագայում մեթոդը միաժամանակ նախադրյալ է , նյութ , գործիք և ուսումնառության արդյունք >> :

Էքսկուրսիաները իրենց ծրագրային օրակարգով լինում են տարբեր: Դա պայմանավորված է նրանով , թե ինչ տարիքային խումբ է գնում էքսկուրսիա:

Յուրաքանչյուր տարիքային խմբում այն ձևավորվում է յուրովի` ելնելով տարիքային առանձնահատկություններից: Մանկապարտեզում էքսկուրսիաներ կազմակերպվում են բոլոր տարիքային խմբերում: Կրտսեր խմբերում այն իրականացվում է զբոսանքների և դիտումների միջոցով` մանկապարտեզում կամ մոտակա այգիներում: Այս տարիքում հիմնականում ուսումնասիրում են շրջակա միջավայրը: Միջին և ավագ խմբերում այդ օղակը մեծանում է: Այցելում են գրադարան , թանգարան , տպարան և այլն:

Այս խմբերում **կոլեկտիվ** հասկացությունը դրսևորելուց հետո հաջորդ քայլը էքսկուրսիա գնալն է : Այս տարիքային խմբին նպատակահարմար է տանել նաև տիկնիկային թատրոն` նախապես ծանոթացնելով ներկայացման թեմային , էթիկայի կանոններին , անձի դրսևորման գործոններին: Նշված խմբերում հիմնականում կիրառվում են ընթացիկ էքսկուրսիաներ` երբ թեման ուսումնասիրելուն զուգահեռ կամ ավարտելուց հետո կազմակերպվում է էքսկուրսիա: Օր. ` << Գրքերի աշխարհ >> թեման ուսումնասիրելուց հետո այցելել Խնկո Ապր անվան ազգային մանկական գրադարան , իսկ փետրվար ամսին Հովհաննես Թումանյանի ծննդյան և գիրք նվիրելու օրվա կապակցությամբ այցելել Հ. Թումանյանի անվան տուն – թանգարան: Տարվա ավարտին կազմակերպել զբոսանք Երևանում` տեսարժան վայրերի դիտում:

<< Ինձ շրջապատող աշխարհը >> ծրագրային բաղադրիչից երթևեկության կանոններն ուսումնասիրելուց հետո կազմակերպվում է Էքսկուրսիա դեպի փողոց` օգտվելով վերգետնյա , ստորգետնյա անցումներից , լուսացույցից ու ճանապարհային նշաններից , որը էլ ավելի է խորացնում նրանց ստացած տեսական գիտելիքները:

Ջննական ընկալումը հեշտացնում է երեխաների գիտելիքների յուրացման պրոցեսը , և քանի որ նրանց մտածողությունը զարգանում է կոնկրետից դեպի վերացականը , ուստի զարգացման վաղ Էտապներում նրանք մտածում են ավելի շատ պատկերներով քան հասկացություններով: Հասկացությունները ու վերացական գաղափարները սանի գիտակցությանն ավելի հեշտ են հասնում , եթե դրանք ամրապնդվում են կոնկրետ փաստերով , օրինակներով ու պատկերներով: Դաստիարակը հնարավորություն է ունենում կոնկրետ ու վառ փաստերի հիման վրա երեխաներին ցույց տալ ուսումնասիրվող առարկաների ու երևույթների միջև եղած պատճառահետևանքային կապերը և մարդու հզոր ուժը:



3.Էքսկուրսիայի նախապատրաստումը և անցկացումը

Առհասարակ ընդունված է , որ պարապմունքին լավ նախապատրաստվելը այն լավ անցկացնելու նախապայման է : Սա վերաբերվում է նաև էքսկուրսիաներին , գրոսանքներին և դիտումներին: Էքսկուրսիայի կազմակերպման ժամանակ մեծ ուշադրություն պետք է դարձնել նրա 3 հիմնական փուլերին.

- **Նախապատրաստում**
- **Անցկացում**
- **Ամփոփում**

Ցանկացած էքսկուրսիա կազմակերպելուց առաջ ճիշտ կլինի , որ դաստիարակը կամ մանկավարժը ընտրի էքսկուրսիայի տիպը ` համապատասխան ուսուցանվող նյութին , որովհետև դա նպաստում է նրա լավ նախապատրաստմանն ու անցկացմանը: Նախ դաստիարակը պետք է ուսումնասիրի տեղանքը , պայմանները և ինչ է անհրաժեշտ մասնակիցներին էքսկուրսիայի ընթացքում: Նպատակահարմար է այն անցկացնել ոչ աշխատանքային օր , որպեսզի չխաթարվի մանկապարտեզի առօրյան: Ելնելով երեխաների անվտանգությունից էքսկուրսիաների վայրը պետք է ընտրվի այնպես , որ չլինի խոցելի վաղրերի մոտ գտնվող տարածք / լիճ , գետ , ձոր և այլն /:

Էքսկուրսիայի մեկնարկից առնվազն 10 օր առաջ պետք է տեղեկացվի մանկապարտեզի տնօրենին , նրան տրամադրվի էքսկուրսիայի նպատակի , ամսաթվի , անցկացման վայրի , մասնակիցների թվի , պատասխանատու անձանց , փոխադրամիջոցի մասին հստակ տեղեկատվություն: Տնօրենը ուսումնասիրում է ներկաըացվաց տեղեկատվությունը , որոշում կայացնում էքսկուրսիան անցկացնելու կամ մերժելու մասին: Էքսկուրսիայի կազմակերպիչը պարտավոր է երեխաների օրինական ներկայացուցիչներին և մասնակցող այլ անձանց տրամադրել ամբողջական տեղեկատվություն էքսկուրսիայի մասին: Մանկապարտեզում իրականացվող էքսկուրսիաները , որոնք կազմակերպվում են մանկապարտեզից դուրս , իրականացվում են ծնողների մասնակցությամբ , իսկ ծնողի բացակաըության դեպքում ` նրա գրավոր համաձայնությամբ: Շրջայցի ղեկավարը / դաս-տիարակը / պետք է ունենա ամբողջական տեղեկատվություն մասնակիցների , երեխաների և նրանց ծնողների մասին , այդ թվում ` տեղեկություն մասնակից երեխաների հատուկ կարիքների մասին :

Էքսկուրսիան սկսվում է նրանով , որ դաստիարակը հավաքում է բոլոր երեխաներին , հիշեցնում է Էքսկուրսիայի կամ զբոսանքի նպատակը , տալիս է առաջադրանքներ , բացատրում երեխաների անելիքներն ու պարտականությունները: Նաև հիշեցնում է անվտանգության կանոնների մասին ` փոխադրամիջոցում և նրանից դուրս:

Էքսկուրսիաները բացառիկ կարևոր դեր ունեն նաև դաստիարակչական տեսակետից: Դրանց երեխայի մեջ զարգացնում են ուշադրություն , դիտողունակություն , ինքնուրույնություն , մշակում են կարգապահություն և կազմակերպվածություն ` մանկապարտեզից դուրս իրենց պահելու դաստիարակի հրահանգները ճիշտ և ժամանակին կատարելու ունակություն: Այս ընթացքում ձևավորվում են շատ բարոյական նորմեր ` ընկերասիրություն , փոխօգնություն , համերաշխություն , կոլեկտիվիզմ:

Էքսկուրսիաների ժամանակ բացահայտվում է նաև երեխաների բնավորության դրական և բացասական կողմեր , ի հայտ են գալիս մի շարք ընդունակություններ: Էքսկուրսիայից ստացած տպավորությունները անմիջական են և պահպանվում են շատ երկար , և զուր չէ որ ասում են. << Լավ է մեկ անգամ տեսել , քան հազար անգամ լսել >> : Երբեք չի կարելի Էքսկուրսիայի անցկացմանը երկրորդական նշանակություն տալ , համարել լրացուցիչ կամ ավելորդ աշխատանք:

Նախադպրոցական տարիքում շատ կարևոր են զբոսանքներն ու դիտումները , որոնց ընթացքում էլ հենց ձևավորվում են իմացական գիտելիքները: Երեխաները անմիջականորեն առնչվում են բնութեյանը , ձեռք բերում որոշակի գիտելիքներ:

Էկոլոգիայի պարապմունքների մեծ մասը նպատակահարմար է անցկացնել զբոսանքների և Էքսկուրսիաների միջոցով: Նախապես երեխաները ունենում են որոշակի տեսական գիտելիքներ , իսկ դիտումների շնորհիվ այն ամրապնդվում է: Ամենօրյա զբոսանքների համար կարելի է ընտրել մոտակա այգին , պուրակը: Այն տարածքը , որտեղ պետք է այցելել , կրկին պետք է նախապես ուսումնասիրվի դաստիարակի կողմից: Կրտսեր տարիքի երեխաների հետ անցկացվող դիտումները լինում են կարճատև և առարկայական , իսկ ավագ խմբերում ավելի երկար են: Էքսկուրսիաները , զբոսանքները , այցերը և դիտումները զուգակցվում են համապատասխան զրույցներով , որի ընթացքում երեխաները մտնում են ակտիվ երկխոսության մեջ և ստանում որոշակի գիտելիքներ:

Մանկապարտեզում բնապահպանակն թեմաներով Էքսկուրսիաներին զբոսանքներին և դիտումներին երեխաները մասնակցում են մեծ ակտիվությամբ:

Պատճառը մեկն է՝ բնությունն անսպառ է և տալիս է անսահման , բազմազան , վառ ու շատ հետաքրքիր զգացողություններ , առաջացնում է ջերմ հետաքրքրություն աշխարհի և կյանքի նկատմամբ : Երեխան շփվում է կենդանի էակների և բույսերի հետ , անկենդան բնության , ուսումնասիրում է նրանց մոտիկից , կատարում է հետևություններ , տեսնում արդյունքը: Ցանկացած էքսկուրսիայի ժամանակ , անկախ նրանից թե ուր են գնում , երեխաներին կարելի է ցույց տալ թե ինչ կա շուրջը , ինչպիսի ծառ է , միջատ , թռչուն , դիտել օրվա եղանակը , երկինքը , արևը , ուսումնասիրում այն , ինչ տեսնում են ճանապարհին:



Ինչպես հայ մեծ լուսավորիչ – մանկավարժ Խ. Աբովյանն է նկատել.՝ << Բնությունն իր բազմապիսի առարկաներով ու երևույթներով , իր պես-պես գույներով ու ձայներով , դրանց միջև եղած պատճառահետևանքային կապերով , իր սքանչելի գեղեցկությամբ ու անկրկնելի ստեղծագործություններով ամենամեծ ուսուցիչն է մի ուսուցիչ , որ ամենից հեշտ ու դյուրին ձևով , խոր ու կայուն կերպով սովորեցնում է մարդկանց բնությունը ճանաչել: Ահա թե ինչու ուսուցման պրոցեսում լայնորեն պետք է օգտագործել էքսկուրսիաները , որպես ուսուցման միջոց , որպես շրջապատի բնությունն ու հասարակությունը ճանաչելու , շրջապատի մասին ռեալ գիտելիքներ հաղորդելու եղանակ >> :

4. Իմ փորձից

Մշակութային այցերի և էքսկուրսիաների շնորհիվ երեժաների գիտակցության մեջ ձևավոր -վում է հարգանք հայրենի բնության , մեր ազգի , մշակույթի , հերոսների , ավանդույթների , գիր ու գրականության , արվեստի ու երաժշտության հանդեպ: Քանի որ աշխատում եմ ավագ տարիքային խմբի երեխաների հետ , տարվա ընթացքում կազմակերպում եմ մի շարք էքսկուրսիաներ:

Կարևորում եմ ծնողների ներկայությունը , ինչն ազդում է երեխաների վարքագծի դրսևորմանը:

էքսկուրսիա

բնապահպանության թանգարան — երեխաներին շատ է գրավում այս թանգարանը :

Այնտեղ տեսնում են բազմազան կենդանիներ , թռչուններ , միջատներ , ձկներ , ձեռք են բերում բազմաթիվ գիտելիքներ դրանց մասին: Էքսկուրսիայի ընթացքում երեխաները շատ հարցերի պատասխաններ ստանում են հենց տեղում` իմ և էքսկուրսավարի կողմից: Երեխաները ծանոթացան նաև <<Կարմիր գրքին>> , իմացան նրա նշանակությունը , հենց թանգարանում տեսան այն կենդանիներին ու բույսերին , որոնք ընդգրկված են <<Կարմիր գրքում>> : Այդ օրը նրանք էլ ավելի կարևորեցին կենդանիների ու բույսերի դերը մարդու կյանքում , հասկացան և խոստացան , որ հոգ կտանենբնության մասին և կպաշտպանեն կենդանիներին:



Այցելում ենք Հաղթանակի զբոսայգի , զբոսնում բնության գրկում , կատարում ենք դիտում- ներ: Դիտակետից դիտում ենք նաև մայրաքաղաք Երևանը, ծաղիկներ դնում անմար կրակի մոտ , երեխաները մոտիկից ծանոթանում են Հայաստանի խորհրդանիշներից Մայր Հայաստանի հուշարձանին , կարճատև բացատրական զրույցի շնորհիվ իմանում են նրա ստեղծման պատմությունը , որից հետո այցելում ենք նաև <<Մայր Հայաստանի ռազմական պատմութ՞յան թանգարան >>: Այստեղ երեխաները ամրապնդում են գիտելիքները Հայաստանի խորհրդ- դանիշների մասին , տեսնում և շոշափում են դրոշը , հսկայական զինանշանը , ծանոթանում որոշ զինատեսակների: Երեխաները շատ ոգևորվում են , երբ այնտեղ տեսնում են իրենց իսկ ծանոթ ազգային հերոսներին` Վազգեն Սարգսյանին , Թաթուլ Կրպեյանին , Մոնթե Մելքոն -յանին , Գարեգին Նժդեհին , Դրոյին , Ջորավար Անդրանիկին և այլոց : Հատկապես մեծ ոգևորություն է զգացվում տղաների մոտ , նրանց շատ գրավում են զինատեսակ- ները , ինչը ունի նաև զենետիկ նշանակություն: Այս էքսկուրսիայից հետո երեխաները տևական ժամանակ լինում են տպավորությունների տակ , ծնողների խոսքով նրանց ստիպում են զնել խաղալիք զենքեր , բալկում և մանկապարտեզում անընդհատ խաղում են մարտական խաղեր: Քանի որ զբոսայգին ընդարձակ է և կանաչապատ , երեխաները մաքուր օդ են շնչում , շփվում կենդանի բնության հետ , նշում իրենց ծանոթ ծառատեսակները և բույսերը , խաղում համախմբված խաղեր:



Ավանդույթ է դարձել ամենամյա այցելությունները Հովհաննես Թումանյանի տուն-թան -
գարան և Խնկո Ապր մանկական ազգային գրադարան: Հ.

Թումանյանի տուն-թանգարան այցելում ենք տեսական գիտելիքների մեծ պաշարով
մեծն գրողի կյանքի և գործունեության մասին: Այնտեղ նրանք տեսնում են թե ինչպես է
ապրել Թումանյանը , ինչ կենցաղ է վարել , ծանոթանում են նրա գրադարանին , լսում են
հետա -քրքիր դրվագներ նրա կյանքից: Նաև ծանոթանում են նրա ստեղծած խաղերին ,
որոնցից ` << Դդում >> զվարճալի խաղը մեծ հաճույքով խաղում ենք նաև խմբում:

Երեխաներին միշտ շատ է գրավում Թումանյանի պատշգամբը իր ճոճաթռոռով , որին
նստած նա ստեղծել է իրանց այդքան սիրելի հեքիաթները և բանաստեղծությունները:

Գրքի հանդեպ սերը մեծացնելու նպատակով այցելում ենք Խնկո Ապր մանկական
ազգային գրադարան: Երեխաները դիտում են նկարազարդ գրքեր , տեսնում են տարբեր
չափերի , խոսող , երաժշտական , թատերական գրքեր: Էքսկուրսավար-խաղավարի հետ
խաղում են ուշադրությունը զարգացնող խաղեր , գուշակում հանելուկներ , դիտում
մուլտֆիլմ: Եվ վերջում գալիս է երեխաների ամենասիրելի պահը , նրանք հայտնվում են
հեքիթի սենյակում , որտեղ հեքիաթասաց մորաքույրը , որը երեխաներին ներկայացնում
է մյուզիքլ-հեքիաթ:



Պարտադիր կազմակերպում են էքսկուրսիա << Շրջայց Երևանի սրտում >> թեմայով: Երեխաները շրջում են Ազատության հրապարակում, հեռվից դիտում են Կարապի լիճը, պտտվում ենք Ալեքսանդր Սպենդիարյանի անվան օպերայի և բալետի ազգային ակադեմիական թատրոնի շենքի շուրջը, զգում են նրա մեծությունն ու ճարտարապետական գեղեցկությունը, դիտում շրջակայքի արձանները, որոնցից են՝ Ալ. Սպենդիարյան, Հ. Թումանյան, Արամ Խաչատրյան, Կոմիտաս, Աննո Բաբաջանյան, Մարտիրոս Սարյան:



Ինձ համար տարվա բացահայտում էր << Մամիկի հյուրատունը >> : Երեխաները , ինչպես նաև մենք ` մեծերս , տպավորված էինք ինքնատիպ հայկական կուլտիտով ` այդ գողտրիկ վայրից:

Նախ երեխաներին դիմավորեցին փակ դռների մոտ , որը բացվեց միայն հանելուկներ գուշակույուց հետո , երեխաները ծանոթացան , թե ինչպես են հայերը ապրել հնում , ինչ կենցաղ են վարել , ինչպիսի սպասք , հանդերձանք և կահավորանք են ունեցել:

Տատիկի սենյակում լսեցին , ` << Տատիկի հեքիաթը >> , ապա երկնքից ընկան խնձորներ , երեխաները համտեսեցին , և հետո հեքիաթից ստացած տպավորությունները փոխանցեցին թղթին ` նկարելու միջոցով:

Բակում Տատիկի հետ խաղացին ազգային խաղեր , սովորեցին փոքրիկ զվարճալի խաղիկ-ներ , լսեցին ազգային ավանդական երգեր:

Իսկ ամենատպավորիչը հաց թխելու արարողությունն էր: Վառվեց ավանդական հայկական թոնիրը , երեխաները իրենց ձեռքով ` մեծերի օգնությամբ , գրտնակեցին լավաշի խմորը , այնուհետև այն ուղարկեցին տաք թոնրի մեջ թխվելու , իսկ վերջում ` հյուրատանը ընկերներով միասին հավաքվեցին , սեղան նստեցին և ճաշակեցինիրենց աշխատանքի արդյունքը:

Երեխաները այնքան էին տպավորվել , որ չէին ցանկանում տուն վերադառնալ , և ես կարծում եմ , որ այսպիսի էքսկուրսիաները մեծ հետք են թողնում երեխաների գիտակցության մեջ:





Վերադարձի ճանապարհին զրույցի միջոցով ամփափեցի Էքսկուրսիան`
արդյունավետությունը պարզելու համար: Արդյունքը գոհացնող էր; Երեխաները շատ
տպավորված էին , նույնիսկ դրանից երկու շաբաթ անց դեռ վերհիշում էին պահեր իրենց
այդ օրվանից; Սա արդեն խոսում է այն մասին , որ Էքսկուրսիան մեծ դեր ունի երեխաների
կրթության և դաստիարակության գործում:



ԵԶՐԱԿԱՑՈՒԹՅՈՒՆ

Վերը նշվածից ելնելով գալիս են այն եզրահանգման, որ Էքսկուրսիաները ,մշակույթային այցերը ,զբոսանքներն ու դիտումները զարգացնում են երեխաների տեսողական հիշողությունը, և այն ինչ որ երեխան տեսնում է այս տարիքում տպավորվում է նրա գիտակցության մեջ:

Էքսկուրսիաների կազմակերպման ժամանակ մեծ է դաստիարակի դերը: Մեր նպատակն էր,երեխաների համար ստեղծել ժամանցի մի տարբերակ ,որը կնպաստի երեխաների աշխարհաճանաչմանն ու աշխարհընկալման զարգացմանը: Երեխաներին տրվում է ինքնադրսևորման,ինքնաբացահայտման և ինքնագնահատման հնարավորություն: Ներկայումս երեխաների մեծամասնությունը գամված են հեռուստացույցներին և համակարգիչներին,ունեն շփման և հաղորդակցման խնդիր,ուստի նման ինտելեկտուալ այցերի կազմակերպումը հնարավորություն է տալիս հաղորդակցվել,լավ ժամանակ անցկացնել և լրացուցից ինֆորմացիա ստանալ ուսուցանվող նյութի վերաբերյալ: Ուղղորդվում են Հովարդ Գարդներիմտածողության տեսակետով.<<Վարպետ է այն ուսուցիչը,ով կարողանում է բացել մի շարք տարբեր պատուհաններ միևնույն նյութի կամ հասկացության շուրջ>>:

Էքսկուրսիաները ոչ միայն համախմբում են երեխաներին,այլ նաև ծնողներին: Կառուցվում է ամուր ծնողական կոլեկտիվ , ինչը դրական ազդեցություն է ունենում ծնող-երեխա-դաստիարակ առողջ փոխհարաբերությունների ձևավորման գործում: Իմ կողմից կազմակերպված էքսկուրսիաները եղել են հետաքրքիր,բազմաբովանդակ,ուսու-ցանող և տպավորիչ: Ես հուսով եմ ,որ նրանց մեջ կարողացել են սերմանել սերմանել սեր դեպի մարդը,բնությունը, հայրենիքը, հավատքը, մշակույթը:

Օգտագործած գրականության ցանկ

1. Հ.Միտոյան և ուրիշ.; Մանկապարտեզի միջին խմբի /4-5 տարեկանների / կրթական համալիր ծրագիր , Երևան 2011
- 2.Նախաշավող գիտամեթոդական հանդես , Երևան 2010
3. Հ.Միտոյան , Մ.Սարգսյան , Նախադպրոցական կադրերի վերապատրաստման փաթեթ , մեթոդական նյութեր , Երևան 2003
4. Նախաշավիղ գիտամեթոդական հանդես , Երևան 2014
5. Խ.Աբովյան << Երկերի լիակատար ժողովածու >> , Երևան 1947
6. Յ.Ամիրջանյան , Ա.Սահակյան , Մանկավարժություն , Երևան 2005
7. Հովարդ Գարդներ << Գիտակցության կառուցվածքը >> , 1983թ.
8. Պ.Պ.Բլոնսկի <<Մանկավարժական գործունեությունը և տեսությունը >>